

佛便告聽施我欲為若說經法上亦善中亦善至竟亦善善具為若現道行至竟但諸善善好當聽之持著意中聽施言唯諾

佛言曾有二人俱出在道其一人曉道徑其一人不曉道徑不曉道徑者便住問曉道徑者言我欲至某聚鄉郡縣國願語我道所由

曉道徑者便言汝從是道直右行前當有兩道捨左道上右道直右行須臾前當見溪谷溪谷上亦當復有兩道捨左道上右道直右行須臾當見叢樹叢樹上亦當復有兩道捨左道上右道直右行須臾稍得若所欲至聚鄉郡縣國

佛言我上頭所譬喻說當知是一切所說亦當諦觀此所說上頭所說不曉道徑者謂世間邪道亦復謂諸所受邪者所說上頭曉道徑者謂如來不著正覺亦復謂諸所受正覺者所說左道者謂諸惡人三惡念一者欲念二者亂念三者賊害念亦復謂邪見邪念邪

辛八

六

陳

說邪意邪行邪方便邪志邪定亦說右道者謂三善念一者出家念二者不亂念三者不賊害念亦復謂正見正念正說正意正行正方便正志正定所謂兩道者謂人所疑所說溪谷者謂瞋恚所說叢樹者謂五樂一者眼樂色愛欲可以好色貪著二者耳樂聲三者鼻樂香四者舌樂味五者身樂細軟愛欲可以好色貪著所說聚鄉郡縣國者謂無為德佛告聽施是諸佛事我以悲心故說是其欲度脫者我已愍傷之今彼是若事當以寂靜樹下空閑一處一心體行若山澤冢間當以果菰為食比丘莫貪恣於世間居後悔之是諸佛行亦諸佛教今佛已說是賢者聽施便歡喜思惟佛所說

佛說比丘聽施經

佛說略教誡經

唐三藏法師義淨奉 制譯

如是我聞一時佛在室羅筏城逝多林給孤獨園與無量苾芻眾俱。爾時佛告諸苾芻汝等當知於我法中有少欲知足活命之事。謂我弟子剃髮塗衣持鉢巡家乞食自濟。世間愚人之所輕慢。若有淨信善男子離俗出家

孝八

七

陳

修行此事不為王難所逼迫。故不為賊怖。負債驚恐。不存活。故但為發心於生老病死憂悲苦惱。生獸離故。欲斷苦蘊。煩惱纏縛。盡其邊際。求解脫。故汝等豈非為此事故。而求出家。時諸苾芻白佛言。世尊。如是如是。為解脫故。而求出家。汝等苾芻。如有一類罪惡苾芻。

雖復出家。性多貪染。於五欲境。深生戀著。或起瞋恚。生惡尋思。心恒放逸。不勤策勵。常多忘念。不習定門。攀緣諸境。樂下劣事。不希勝行。終無所獲。此之惡人。猶如何等。汝諸苾芻。聽說譬喻。如野田中。焚死屍木。兩頭俱燒。中間穢汗。此木不堪。聚落中人。及野田人之所

受用。我今以此喻。彼一類出家懈怠。愚癡之人。棄捨俗聞。諸快樂事。沙門義利。復不修習。恒生三種不善思。惟所謂思。惟五欲思。惟瞋害思。惟欺誑此之三種不善思。惟因何而起。當知皆以無明為因而得生起。身壞命終。墮三惡趣。是故汝等應勤修習。除斷無明。我是

大師。汝是弟子。於我教中。要略之事。今為汝說。由大悲故。由哀愍故。為利益故。為勝樂故。如我所說。汝等應修。若在山林。蘭若。樹下。或在露地。汝可善思。不應放逸。勿於後時。心生悔恨。如說修行。當得解脫。爾時世尊。說是語已。諸苾芻眾歡喜奉行。佛說略教誡經

佛說療痔病經

唐三藏法師 義淨譯

如是我聞一時薄伽梵在王舍大城竹林園中。與大苾芻眾五百人俱。時有眾多苾芻。身患痔病。形體羸瘦。痛苦縈纏。於日夜中。極受憂惱。時具壽阿難陀見是事。已詣世尊所。頂